

ხელშეკრულება  
სახელმწიფო შესყიდვების შესახებ N

ქ. ბათუმი

----- 2021წ.

ერთი მხრივ, შპს „ბათუმის რესპუბლიკური კლინიკური საავადმყოფო“ (შემდგომში „შემსყიდველი“) წარმოდგენილი მისი დირექტორის სოლომონ ფუტყარაძის სახით და მეორე მხრივ, ----- (ს/კ -----) (შემდგომში „მიმწოდებელი“) წარმოდგენილი მისი დირექტორის დავით ირემაძის სახით, „სახელმწიფო შესყიდვების შესახებ“ საქართველოს კანონის და ----- სატენდერო წინადადების საფუძველზე (-----) ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების საერთო ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს აუდიტორული შეფასების მომსახურებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ – კალენდარული დღე, კვირა, თვე;
- 1.6. „სამუშაო“ - ხელშეკრულების მე-2 პუნქტით გათვალისწინებული ხელშეკრულების საგანი;
- 1.7. „ხარჯთაღრიცხვა“ – მიმწოდებლის მიერ ელექტრონული ტენდერის ფარგლებში წარმოდგენილი „ხარჯთაღრიცხვა - რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.8. „პროექტი“ - ელექტრონული ტენდერის (-----) სატენდერო დოკუმენტაციის 1.2. პუნქტის შესაბამის ველში ატვირთული პროექტი, რომელიც ასევე, თან ერთვის ხელშეკრულებას და წარმოადგენს მის განუყოფელ ნაწილს;
- 1.9. განმარტებითი ბარათი/სპეციფიკაციები – ელექტრონული ტენდერის (-----) სატენდერო დოკუმენტაციის 1.2. პუნქტის შესაბამის ველში ატვირთული პროექტი, რომელიც ასევე, თან ერთვის ხელშეკრულებას და წარმოადგენს მის განუყოფელ ნაწილს;
- 1.10. გეგმა-გრაფიკი-მიმწოდებლის მიერ ელექტრონული ტენდერის ფარგლებში წარმოდგენილი დანართი „გეგმა-გრაფიკი - რომელიც თან ერთვის ხელშეკრულებას და წარმოადგენს მის განუყოფელ ნაწილს;

### 2. ხელშეკრულების საგანი

2.1. მიმწოდებელი კისრულობს ვალდებულებას განახორციელოს შპს „ბათუმის რესპუბლიკური კლინიკური საავადმყოფო“-ს შენობაში და შენობის გარე ოერიმეტრზე ((CPV) კოდი 45300000) (შემდგომში „სამუშაო“) სარემონტო/სარეკონსტრუქციო სამუშაოების შესრულება, ხარჯთაღრიცხვისა ელექტრონული ტენდერის (-----) სატენდერო დოკუმენტაციის 1.2. პუნქტის შესაბამის ველში ატვირთული პროექტისა და განმარტებითი ბარათი/სპეციფიკაციების შესაბამისად. ხოლო შემსყიდველი კისრულობს ვალდებულებას მიიღოს მიწოდებული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

### 3. ხელშეკრულების ღირებულება

- 3.1. ხელშეკრულების საერთო ღირებულება შეადგენს ----- (-----) ლარს;
- 3.2. ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ შესაბამის გადასახადებსა და გადასახდელებს.

### 4. ანგარიშსწორების ფორმა და პირობები

- 4.1. ანგარიშსწორება მიმწოდებელთან ხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე გადარიცხვით, ფაქტიურად შესრულებული სამუშაოს შესაბამისად, ანგარიშსწორების ვალუტა – ლარი;
- 4.2. ანგარიშსწორება შესაძლებელია განხორციელდეს ერთჯერადად ან/და ეტაპობრივად;
- 4.3. მიმწოდებელთან ანგარიშსწორება განხორციელდება, მიმწოდებლის მიერ წარმოდგენილი შესრულებულ სამუშაოებზე სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ ან სხვა აკრედიტირებული პირის მიერ (აკრედიტებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი) გაცემული დასკვნის, შესრულებული სამუშაოების აქტის (ფორმა 2), მიღება-ჩაბარების აქტისა და შესაბამისი საგადასახადო დოკუმენტაციის წარმოდგენიდან 20 (ოცი) სამუშაო დღის განმავლობაში;
- 4.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი;
- 4.5. იმ შემთხვევაში, თუ შემსყიდველის მიერ ხელშეკრულებით განსაზღვრული შესასრულებელი სამუშაოების მოცულობების ღირებულებამ არ შეადგინა მიმწოდებელ ორგანიზაციასთან დადებული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად შესრულებული სამუშაოების მოცულობების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ სამუშაოთა მოცულობების ანაზღაურებაზე;

## **5. სამუშაოების მიღება-ჩაბარების წესი**

- 5.1. მიმწოდებელმა სამუშაოების წარმოება უნდა დაიწყოს ხელშეკრულების გაფორმებისთანავე (არაუგვიანეს 2 სამუშაო დღის განმავლობაში), რომელიც უნდა დასრულდეს ხელშეკრულების გაფორმებიდან 90 (ოთხმოცდაათი) კალენდარული დღის ვადაში.
- 5.2. შემსყიდველი სამუშაოების მიღებას განხორციელებს, მიმწოდებლის მიერ შესრულებულ სამუშაოებზე წარმოდგენილი სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ ან სხვა აკრედიტირებული პირის მიერ (აკრედიტებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი) გაცემული დასკვნისა და შესაბამისი შესრულებული სამუშაოების აქტის (ფორმა 2) საფუძველზე, რის შემდგომაც მხარეთა შორის გაფორმდება შესაბამისი მიღება-ჩაბარების აქტი;
- 5.3. შემსყიდველის მხრიდან სამუშაოების მიღება-ჩაბარებაზე და სამუშაოების პროცესში ზედამხედველობაზე, უფლებამოსილი წარმომადგენელია შემსყიდველი ორგანიზაციის ხელმძღვანელის მიერ განსაზღვრული პირი ან/და ჯგუფი, რომელიც მიმწოდებელს ეცნობება სამუშაოების დაწყებისთანავე;
- 5.4. სარემონტო სამუშაოები ან მისი ნაწილის, მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 5.5. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული შესრულებული სამუშაოს წუნდების მიზეზების მითითებით.

## **6. სამუშაოს შესრულების ფორმა, ადგილი და ვადა**

- 6.1. მიმწოდებელი ვალდებულია სამუშაოები შეასრულოს საქართველოს კანონმდებლობით გათვალისწინებული შესაბამისი სამშენებლო და გარემოსდაცვითი ნორმებისა და წესების დაცვით, წინამდებარე ხელშეკრულების 1.7. 1.8. და 1.9. პუნქტებში განსაზღვრული დანართების შესაბამისად;
- 6.2. მიმწოდებელმა სამუშაოების წარმოება უნდა განხორციელოს ხელშეკრულების 1.10. პუნქტებში განსაზღვრული დანართების (გეგმა-გრაფიკის) შესაბამისად;
- 6.3. სამუშაოების გაწევის ადგილია შემსყიდველის მისამართი (ქ. ბათუმი, ტბელ აბუსერიძის ქ. N2);
- 6.3. მიმწოდებელმა სამუშაოების წარმოება უნდა დაიწყოს ხელშეკრულების გაფორმებისთანავე (არაუგვიანეს 2 სამუშაო დღის განმავლობაში), რომელიც უნდა დასრულდეს ხელშეკრულების გაფორმებიდან 90 (ოთხმოცდაათი) კალენდარული დღის ვადაში.

## **7. სამუშაოთა ხარისხი და საგარანტიო პირობები**

- 7.1 გაწეული სამუშაოები უნდა იყოს მაღალი ხარისხის და შეესაბამებოდეს შემსყიდველის მოთხოვნებს;
- 7.2. სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. მიმწოდებელი ვალდებულია შემსყიდველს მოთხოვნის შემთხვევაში, მიაწოდოს შესაბამისი სერტიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში). შემსყიდველს უფლება აქვს, დამატებით, ნებისმიერ დროს მოითხოვოს შესაბამისი სერტიფიკატი;
- 7.3. სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები უნდა შეთანხმდეს შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება აღიარებულ სტანდარტებს და შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისთვის მისაღები მასალა, მოწყობილობა ან/და სხვაგვარად შეასრულოს სამუშაო;
- 7.4. მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმების მიხედვით;
- 7.5. შესრულებული სამუშაოს საგარანტიო ვადა შეადგენს საბოლოო მიღება-ჩაბარების აქტის გაფორმებიდან 1 (ერთი) წელს.
- 7.6. ამ მუხლის 7.5. პუნქტით განსაზღვრული შესრულებული სამუშაოს საგარანტიო ვადის განმავლობაში, რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია შეტყობინების მიღებიდან, შემსყიდველის მიერ განსაზღვრულ გონივრულ ვადაში, საკუთარი ხარჯებით უზრუნველყოს მისი აღმოფხვრა.

## **8. მხარეთა უფლება-მოვალეობანი**

- 8.1. შემსყიდველი უფლებამოსილია:
- 8.1. შემსყიდველს უფლება აქვს შეამოწმოს გაწეული მომსახურების შესაბამისობა წინამდებარე ხელშეკრულებითა და ამავე ხელშეკრულების დანართებით გათვალისწინებულ პირობებთან;
- 8.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- 8.3. სამუშაოების მიწოდების დასრულებამდე გამოითხოვოს მიმწოდებლისაგან შესყიდვის ობიექტის შესახებ მისთვის საჭირო დოკუმენტი;
- 8.2. შემსყიდველი ვალდებულია:
- 8.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად;
- 8.2.2. უზრუნველყოს სამუშაოების მიღება ამ ხელშეკრულებით დადგენილი პირობების გათვალისწინებით;
- 8.3. მიმწოდებელს უფლება აქვს მოსთხოვოს შემსყიდველს შესრულებული სამუშაოების ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით;
- 8.4. მიმწოდებელი ვალდებულია:
- 8.4.1. დაიცვას ხელშეკრულებით გათვალისწინებული ყველა პირობა;
- 8.4.2. სამუშაოები შეასრულოს ეტაპობრივად წინამდებარე ხელშეკრულების დანართის (გეგმა-გრაფიკის) შესაბამისად.
- 8.4.3. უზრუნველყოს შესასრულებელი სამუშაოს შესრულება ხელშეკრულების დანართების შესაბამისად.
- 8.4.4. ხელშეკრულებით გათვალისწინებულ ობიექტზე საჭირო სამშენებლო მასალების ხარისხი გამოყენებამდე შეათანხმოს „შემსყიდველს“.

## **9. ხელშეკრულებით ნაკისრი ვალდებულებების შესრულების კონტროლი**

- 9.1. ხელშეკრულების შესრულების კონტროლს განახორციელებს შემსყიდველი ორგანიზაციის

ხელმძღვანელის მიერ განსაზღვრული პირი/ჯგუფი, რომელიც მიმწოდებელს ეცნობება სამუშაოების დაწყებისთანავე;

9.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობისა და სამუშაოების ტექნიკურ ზედამხედველობა;

## **10. პირგასამტეხლო ხელშეკრულების პირობების შეუსრულებლობისათვის**

10.1. ხელშეკრულების 6.3. ქვეპუნქტით განსაზღვრული ვალდებულების შეუსრულებლობის შემთხვევაში, შემსყიდველი მიმწოდებელს აკისრებს პირგასამტეხლოს შესასრულებელი ვალდებულების ღირებულების 0,2%-ის ოდენობით ყოველ ვადაგადაცილებულ დღეზე, მაგრამ არანაკლებ 10 ლარისა;

10.2. ხელშეკრულების 8.4.2. ქვეპუნქტით განსაზღვრული ეტაპის შეუსრულებლობის შემთხვევაში, შემსყიდველი მიმწოდებელს აკისრებს პირგასამტეხლოს შესასრულებელი ეტაპის ღირებულების 0,2%-ის ოდენობით ყოველ ვადაგადაცილებულ დღეზე, მაგრამ არანაკლებ 10 ლარისა;

10.3. მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის გამო მიმწოდებელთან ხელშეკრულების შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 10%-ის ოდენობით;

10.4. შემსყიდველი დარიცხული პირგასამტეხლოს თანხის დაკავებას შესაბამისი წერილობითი შეტყობინების საფუძველზე ახორციელებს მიმწოდებელზე ასანაზღაურებელი მომსახურების ღირებულებიდან;

10.5. იმ შემთხვევაში, თუ დარიცხული პირგასამტეხლოს თანხა აღემატება მიმწოდებელზე ასანაზღაურებელი სამუშაოების ღირებულებას, მიმწოდებელი ვალდებულია პირგასამტეხლოს თანხა ჩარიცხოს შეტყობინებაში მითითებულ საბანკო ანგარიშზე შეტყობინების მიღებიდან ათი სამუშაო დღის განმავლობაში;

10.6. პირგასამტეხლოს გადახდა არ ათავისუფლებს მიმწოდებელს ხელშეკრულებით განსაზღვრული ძირითადი ვალდებულებების შესრულებისაგან.

10.6. შემსყიდველი ორგანიზაციის მიერ მე-4 მუხლის 4.3. პუნქტით განსაზღვრული პირობის დარღვევის შემთხვევაში, მიმწოდებელი უფლებამოსილია მოითხოვოს, ხოლო ასეთ შემთხვევაში შემსყიდველი ვალდებულია გადაიხადოს პირგასამტეხლო ასანაზღაურებელი თანხის ღირებულების 0,01%-ის ოდენობით.

## **11. ხელშეკრულებაში ცვლილებების შეტანა**

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი ცვლილებების გარდა;

11.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად;

11.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა სახელმწიფო შესყიდვების მარეგულირებელი კანონმდებლობით გათვალისწინებული შემთხვევებისა;

11.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## **12. ხელშეკრულების შეწყვეტა**

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის წერილობითი შეტყობინების შემდეგ:

ა) თუ შემსყიდველი დარწმუნდება, რომ მიმწოდებელს ხელშეკრულებით გათვალისწინებულ ან შემსყიდველის მიერ დამატებით განსაზღვრულ ვადაში არ შეუძლია შეასრულოს ხელშეკრულებით ნაკისრი ვალდებულებები;

ბ) თუ ხელშეკრულების 10.1. ქვეპუნქტის საფუძველზე დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 4%-ს;

გ) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო,

მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;  
დ) მიმწოდებლის მიერ ხელშეკრულების მე-5, მე-6 მუხლის ან მე-8 მუხლის 8.4. პუნქტით გათვალისწინებული მოთხოვნების დარღვევის შემთხვევაში;  
ე) „მიმწოდებლის“ გაკოტრების შემთხვევაში;  
ვ) თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ან სხვა ინტერესებიდან გამომდინარე;  
ზ) საქართველოს კანონმდებლობით გათვალისწინებულ სხვა შემთხვევებში;  
12.2. შემსყიდველი ვალდებულია არანაკლებ 5 (ხუთი) დღით ადრე წერილობით აცნობოს მიმწოდებელს 11.1. პუნქტით გათვალისწინებული გადაწყვეტილების მიღების განზრახვის თაობაზე;  
12.3. ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე.

### **13. ფორს-მაჟორი (დაუძლეველი ძალა)**

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით;  
13.2. ამ პუნქტის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი;  
13.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს ორი სამუშაო დღის ვადაში წერილობით უნდა აცნობოს მეორე მხარეს აღნიშნული გარემოების დადგომის შესახებ;  
13.4. 13.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლება ხელშეკრულებით ნაკისრი ვალდებულებებისაგან;  
13.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე;  
13.6. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

### **14. სადაო საკითხების გადაწყვეტა**

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;  
14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

### **15. სხვა პირობები**

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;  
15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.  
15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;  
15.4. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;  
15.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;  
15.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა

დოკუმენტაცია, რომელიც გაიცვლება მხარეთა შორის შესრულებზე ქართულ ენაზე;

15.7. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

15.8. ხელშეკრულება შედგენილია ელექტრონული ფორმით ქართულ ენაზე, რომელიც ხელმოწერილია/დამოწმებულია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

#### 16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს ----- წლის----- ჩათვლით.

#### 17. მხარეთა იურიდიული მისამართები და რეკვიზიტები

| შემსყიდველი | მიმწოდებელი |
|-------------|-------------|
|             |             |
|             |             |